

Johann Bacmeister

**Rector Universitatis Rostochiensis Joannes Bacmeisterus, Med. D. & Professor
Publico hoc Programmate Cives Academicos Ad Paschale Sacrum
Gloriosaeq[ue] Victoriae & Resurrectionis Christi, Slvatoris nostri Memoriam
devote celebrandam Serio Monet & Invitat**

Rostochii: Kilius, 1656

<http://purl.uni-rostock.de/rosdok/ppn734940610>

Druck Freier  Zugang



Ru. Progr. 1657
Johannes Baemister
Progr. passuale



Universitäts
Bibliothek
Rostock

[http://purl.uni-rostock.de
/rosdok/ppn734940610/phys_0002](http://purl.uni-rostock.de/rosdok/ppn734940610/phys_0002)



4

RECTOR
Universitatis Rostochiensis
JOANNES BACMEISTERUS,
Med. D. & Professor Publico hoc
PROGRAMMATE
CIVES ACADEMICOS
AD
PASCHALE
SACRUM
Gloriosæq; Victoriae & Resurre-
ctionis CHRISTI, SALVA-
TORIS nostri Memoriam devotè
celebrandam.
Seriò Monet & Invitat.



ROSTOCHII,
Typis Hæredum NICOLAI KILII, Acad. Typ.
Anno 1656.

Ru Prog. 1656

Victores apud Romanos si ob res præclare gestas, triumphum agere cuperent, ipsis prius id facere, quam de eo deliberasset Senatus, ac concessisset triumphum non licebat. Illud decretum erat, quasi approbatio quædam rerum tanquam salutarium & utilium ab ipso Victore gestarum & constituebatur triumphum exhibendi certum tempus, quo es-
set inchoandus, & quam diu durare deberet. Huic conce-
debatur unus dies, alteri biduum vel triduum, prout glori-
osius pugnassent, siquidem Æmilius Paulus de Rege Persa
& Q. Flaminius de Macedonia triduo triumpharunt, Julius
Cæsar quater eodem mense, & divus Augustus tres egit trium-
phos continuo triduo. Triumphi ratio hæc erat. Victor
sellæ eburneæ in curru triumphali aureo, quo per medium
urbem ad Capitolium magnum Jovis templum vel à quatuor
candidis equis ut Camillus, vel ab Elephantibus ut Pompe-
jus Magnus triumpho Africano, & divus Cæsar Gallico,
vel à Leonibus ut Marcus Antonius: vel à Cervis ut Marcus
Aurelianus, vel deniq; ab Equis hermaphroditis ut Nero,
vehebatur, insidebat, præcedentibus ante currum præci-
pui Capitaneis & militibus, quorum opera bellum erat confe-
ctum, qui spolia, res pretiosas, arma & alia debellatis ac de-
spoliatis hostibus erpta, item picturas insignium oppidorum
devictorum cum inscriptione, picturas navales & terrestres pu-
gnas exprimentes, ferebant. Hos sequebantur hostes capti
& vinceti, lugubri amictu induti, ipsi Capitanei & Duces præ-
cipui qui se Romano populo oppulerant. Proxime post cur-
rum triumphalem promiscua militum & Romani populi mul-
titudo incedebat, quæ cum præcedentibus Ducibus, Capi-
taneis & Militibus carmen triumphale in Victoris laudem &
honorem lœta & clara voce cantabat. Victori jam Urbem
ingredienti totus primò Senatus, deinde Cives suo quisq; or-
dine & loco, tum Virgines Vestales, Sacerdotes & Flamines
obviam

obviam procedebant, donec tandem in Capitolium, ubi multæ grandiores victimæ insigniter ornatae mactabantur, deductus & devectus, pro gratiarum actione thesauros & alia, *καρπήλια*, quæ hostibus eripuerat, in ærarium publicum & eorum partem militibus, quorum Virtute, ope, societate & auxilio tales res gesserat, distribuebat, partem civibus donabat ac largiebatur, quemadmodum id Tit. Liv. Dio Cass. Blondus Flav. Alexander ab Alexandro & alii Historici quamplurimi, satis superq; testantur. Verum, nullam aliam ob causam hosce Victores Pompæ Romæ triumphali exceptos esse, quam, quod regna debellarint, pacificos turbarint, Urbes desolarint, thesauros exhauserint, plurimum sanguinis in noxii effuderint, innumeras fecerint Viduas, & multos viros nobiles Vitâ orbarint, certum est. Rectè itaq; Aurelianus Imperator in Epist. ad Cornelium amicum, Ita me Dii ament, inquit ut ipso die trinmphî mei, cum ex Curru triumphali captivos intuerer catenis onuslos & pecunias contemplarer, quas rebebamus prædatitias, multorum innoxiorum, spolia: cumq; Viduas audirem infelices maritorum obitum deplorantes, & tot nobilium civium, qui in Asia occiderant, recordarer etiâ latitiam palam præ me ferrem, clam tamen guttas flens sanguineas profudi. & paulo post, Haud scio quid de illo statuendum sit Principe, qui ex bello reversus, ut triumphanti sibi urbem ingredere licet, petit aut flagitat. Si enim, quod rationi consentaneum est, vulnera cogitat quæ corpore exceptit, si pecunias, quas expendit, si oppida, quæ exusit: si pericula, quæ exhaustis, si damna, quæ fecit, si homines plurimos, quos nullâ de causâ occidit, si amicos, quos amisit: si inimicos, quos paravit; si quietem, quâ usus est exiguum; si quantum & quam multis debeat; hæc, inquam, si cogiter, cum gemitibus illum expiendum dixerim & inter largissimos lacrymarum imbræ invehî oportere. Quamvis autem veterem triumphandi morem nostrum non sit improbare, cum præmia talia ad virtutem animent, & amorem in animis civium excitent, verumtamen animæ solatium haud præbent aut conciliant, Valeant itaq; Romulides cum hac suâ pompa, suisq; triumphatoribus erigant

monumentum ære perennius
Regalique, situ pyramidum altius,
Quod non imber edax, non Aquilo impotens
posit dixere.

Multo

Multo nobiliorem hodiernus dies nobis ob oculos ponit
triumphum, quem non Martis vel Bellonæ, sed J E H O V A
omnipotens filius, salvator, redemptor & justificator no-
ster agit. Hic est Verus ille Simson, qui ambas inferorum
portas postibus evulsis, repagulis & obicibus fractis, remo-
vit ex diro inferni carcere, superatis omnibus Furis infer-
nalibus, liberam egressum ad veram libertatem nobis aperuit.
Hic est verus ille David, qui potentia sua divina gloriosum;
jactabundum & minacem Goliathan toti humano generi ho-
stem infensissimum devicit, prostravit, & populo suo glorio-
sam & æternam victoriam peperit. Hic Απειδυοτιμενος τας
ἀρχας ἡγη τας ἐξοικιας ἐδειγμάτων εν παρρήσιοις Θελαμβεύοντος αὐτὸς εν
αὐτῷ h. e. exutos despoliatos principatus ac potestates ostend-
avit palam, triumphans de illis per semet ipsum. Hic verus
est ille Jonas, qui ad compescendas procellas, sedandam,
inquam, patris iram in mare projectus, à Balæna absorptus,
incolumis in portum delatus, ex voraginibus & vorticibus
quasi Mortis prodiit, hodie revivixit & tripudians resurre-
xit. Ecce, inquit, fui mortuus, & sum vivens in secula secu-
lorum, & habeo claves mortis & inferni. Non hic Leones
cum Antonio, nec Elephantes cum Pompejo ad insolentem
pompæ & triumphi splendorem introducit sed Draconem an-
tiquum, serpentem tortuosum, Leonem rugientem, contri-
to ejus capite & exutis spoliis in triumpho ostendit. Ubi jam
Cæsar, Ubi Fabius, Ubi Domitius, Ubi Lepidus Ubi Marius
Ubi Vestidius, Ubi Camillus, Ubi Claudius Nero, Ubi Mar-
cus Portius Cato, Ubi L. Quintius, Ubi Scipio Nasica, Ubi M.
Fulvius, Ubi Manlinus, Ubi deniq; Aurelianus & Vespasia-
nus, reliquiq; Duces strenui, qui prioribus illis seculis magni-
tudine sua caliginem aliis inducere visi sunt: Illi quotquot fue-
runt, jam dudum rigidas fatorum leges experti diem obieciē,
nil nisi triste cadaver humandum post tam excelsam amplitu-
dinem relinquentes, Et nunc quotquot testante Lyrico,

Vixerat

Vixere fortis ante Agamemnona
Omnes illachrymabiles
Urgentur ignoti longa Nocte

Noster autē triumphator CHRISTUS hodie ex antro sepulchri, ut vera & rediviva Phoenicis caro surrexit, quā decoxerat Cinamonum pietatis, granum frumenti, qnod solum in terra mortificatum est in Passione, multum fructum attulit in resurrectione. Solus enim mortuus est sed solus minime resurrexit, quin omnibus nobis peccato mortuis ad verā vitā resurgendi causam præbuit. Ita enim Apostolus ad Romanos. An ignoratis nos quorūq; baptizati sumus in Christum, in mortem ejus esse baptizatos; sepulti igitur sumus una cum eo per baptismum in mortem, ut, sc̄ut Christus excitatus est ex mortuis per gloriam Patris, ita & nos in nova Vitā ambulemus. & vers. 8. Quod si mortui sumus cum Christo, credimus, fore, ut etiam cum eo vivamus, Ut qui sciamus Christum excitatum ex mortuis, non amplius mori, mortem, inquam, ei non amplius dominari. Nam, quod mortuus est, peccato mortuus est semel: quod autem vivit, DEO vivit. Ita etiam vos colligite, vos ipsos tum mortuos esse peccato, tum vero vivere DEO per Christum Iesum Dominum nostrum. Quod cap. 8 adhuc clarius exprimit, quando, Si autem, inquit, spiritus ejus qui excitavit IESUM ex mortuis habitat in vos, is, qui excitavit Christum ex mortuis, vivificabit etiam mortalia corpora vestra, per inhabitantem ipsum spiritum in vobis. Detestandus itaq; est erroreorum, qui teste Augustino, resurrectionem carnis fore negabant, pro quā corporum μετμόρφωσιν substituebant, per quam humanæ animæ in alia corpora migrarent. eorum nempe quos quisq; in hac vita amassent vel etiam occidissent: ut qui Muscam vel Murem occidisset, in eam mutaretur: atq; ut ulterius delirare pergebant, contrariam sortem illi sortiretur homo, quam hic quisq; nostrum habuisset: dives nimirum in pauperem, pauper in divitem renasceretur sicut etiam Epiphanius hanc ridiculam opinionem notavit. Hinc superstitionis ejus asseclæ imitantes Pythagoreorum nugas & Encratistorum furores & hæresin, esum carnium viuarunt, lactis item ac ovorum, nefas arbitrati, ex ullo animantis genere, quicquam degustare, ne, ut salse Tertul. ait, bubulam de ali-

quo proavo quisquam obsonaret. Quid autem obsecro ve-
ris christianis hac opinione absurdius, aut quid illis reliquum
solatii esset, si spes alterius Vitæ felicissimæ post tot ærumnas
illis auferretur. Refutarunt illam suo tempore Athenagoras,
Theophilus, Tacianus, Ireneus, Tertullianus, refutant
illam ipsamet Apostolorum sancta & infallibili manu consignata
monumenta. Hæc profecto mortuos revicturos cla-
mant, Hæc mortalitati nostrorum corporum immortalitatem
pollicentur. Hæc spondent nos resurrecturos, quomodo
Christus ille ex mortuis primogenitus resurrexit. Hæc cor-
pora rediviva tradunt fore similia illustrato corpori Salva-
toris, quod in monte Tabor lucem quidem coepit fundere,
carnis tamen naturam non exuit. Nos ergo qui Christi sacris
initiati sumus dubitare non debemus in statum pristinum mor-
tuos excitari, talesq; legitimâ die ante conspectum DEI ex il-
lo naturæ secreto produci, quales fuerint pro sua quisq; quali-
tate suscepti, Apostolo dicente: ad Corinth. 5. *Omnès nos mani-
festari oportet ante tribunal Christi, ut recipiat unusquisq; corporis sui merita secun-
dum ea, quæ gessit sive bona sive mala.* Quemadmodum enim Luna
quæ verè rationis humanæ omnia in se lineamenta depinguit
nata sangvineæ teneritudinis, dubio cornu primo quasi de-
cunis apparet! paulatimq; crescendo jam puella, jam virgo
pro quotidiane æstatis incremento progrediens, lascivi cur-
sus ambagibus carpit pensa mundana. At ubi matura aureo
igne flagrantis luciflui aurigæ par laboribus fratris angustis
circulis argenteum compleverit globum, paulatim devergit
in senium, donec ultimâ senectute consumpta suâ morte re-
viviscens, menstrualis ignis solenni germine accenso sumat
rursus de fine principium, ut hæc eleganter Zeno in sermone
de resurrectione mortuorum expressit. *Quem imitatus Pruden-
tius in hæc prorumpit verba.*

*Nosco meum in Christo Corpus consurgere: quid me
Desperare jubes? Veniam quibus ille revenit*

Calata

*Calcata de morte Viū, quod credimus hoc est.
Et totus peniam: Nec enim minor aut aliis quam
Nunc sum restituar Vultus, Vigor & color idem
Qui modo vivit erit, nec me vel dente vel ungue
Fraudatum revonet patescere fossa sepulchri.
Qui jubet ut redeam non reddet debile quicquam.
Nam si debilitas reddit, instauratio non est.
Quod easus rapuit, quod morbus, quod dolor haust.
Quod truncavit edax senium populante veterno,
Omne revertenti reparata in membra redibit.*

*Si itaq; Mardochæus Ammane judæorum hoste confuso & ad
patibulum acto, si Judas Maccabæus Nicanore fuso & devicto,
ejusq; capite & dextera in triumphum ducta, festa solemnia in
liberationis obtentæ memoriam instituerunt, quanto magis
nos Christianos diem hunc sacrum agere, beneficiorum resur-
rectione Christi nobis tributorum recordari, & pro tanto & in-
enarrabili beneficio gratias ore & corde agere & habere decet.
Hoc namq; Christianorum festum, teste Augustino, est regnum
cœli, salus mundi, vita credentium, occalus inferni, vita su-
pernorum, resurrectio Vivorum, pretium redemptionis huma-
næ, cognitio mortis abolitæ: Cui & illud Ambrosii Enco-
mion consonat. Dies Paschatos anni Veri & æterni principium
est, primi mensis veræ vitæ tribuentis exordium, novella ger-
minum, primi veris vera jucunditas. Unde etiam hujus diei
tanta in Ecclesia ab ejus usq; primordiis festivitas & sanctitas,
fuit, ut etiam nox ejus per vigilio coleretur referente Eusebio,
& Greg. Nazian, qui scribit, noctem Paschalem vigiliis trans-
actam, & luminum splendore illustratam; quiq; Vigilias ejus
neglexerant, censuram rigidam Ecclesiasticam imo & publi-
cam pœnitentiam sustinere sunt coacti: quam pœnam nec ipse
imperator Philippus Arabs, teste Ruffino, effugere potuit. Et
Procopius refert, totam diem Paschatos Christianos jejuniis &
precibus suo tempore in multam usq; noctem transfigisse. Nec
non Athanasius in Epistola ad Dracontium, in Africanis Eccle-
sis*

GK

His hoc ritu suo tempore celebratum esse Pascha indicat, ut primo Conciones de resurrectione Domini ad cœtus collectos habitæ sint, postea vero ad epulas populus conserderit, inspi- ciente & præcipiente & Episcopo, ut religiose & ritè epularen- tur. Cum igitur hoc festum toti Orbi ab omni ævo venera- bili fuerit, in ejusq; celebratione & cultu vera nostra salus po- sita sit, utiq; demus operam necesse est, ut simus nova Con- spefisio in Christo, epulemur non in fermento malitiæ & ne- quitiae, sed in azymis sinceritatis & veritatis, ita ut ambule- mus digni vocatione nostrâ crucem quotidie tollentes, per lactucas sylvestres & amaras significatam. & in novitate ac san- citate vitæ stemus ac cincti itinere, instar viri Israëlitæ, cogi- tantes nos in mundo hoc peregrinos vivere, indeq; tandem in veram patriam commigrandum nobis esse. Vobis autem, qui- cunq; jurisdictioni nostræ subjecti estis, Studiosi juvenes, DEI S Domini nostri JESU CHRISTI pater gloriæ det spiritum sapientiæ & revelationis in agnitione ejus, illumi- natis oculis mentis vestræ, ut sciatis, quæ sit spes illa Vocati- onis ejus, & quæ opes gloriæ hæreditatis ipsius in sanctis, & quæ sit supereminens magnitudo Virtutis ejus in nos, qui cre- dimus secundum operationem potentia virtutis ejusquam operatus est in Christo suscitans illum à Mortuis, & constitu- ens ad dextram suam in coelestibus supra omnem principatum & potestatem & virtutem & dominationem & omne nomen quod nominatur non solum in seculo hoc sed etiam in fu- turo. P. P. Rostochi Sub Sigillo Rectoratus Ipsa

Paschatos Dominica A N N O.

M. D C. L V I.

45(0)90







Universitäts
Bibliothek
Rostock

[http://purl.uni-rostock.de/
rosdok/ppn734940610/phys_0012](http://purl.uni-rostock.de/rosdok/ppn734940610/phys_0012)



Calcata de morte viis, quod credimus hoc
 Et totus veniam: Nec enim minor aut aliis
 Nunc sum restituar Vultus, Vigor & color id
 Qui modo vivit erit, nec me vel dente vel un
 Fraudatum revomet patesacti fossa sepulchr
 Qui jubet ut redeam non reddit debile qui
 Nam si debilitas reddit, instauratio non est.
 Quod e casus rapuit, quod morbus, quod dol
 Quod truncavit edax senium populante ve
 Omne revertenti reparata in membra red

Si itaq; Mardochæus Ammane judæo ri
 patibulum acto, si Judas Maccabæus Nic
 ejusq; capite & dextera in triumphum di
 liberationis obtentæ memoriam institu
 nos Christianos diem hunc sacrum age
 rectione Christi nobis tributorum recon
 enarrabili beneficio gratias ore & cord
 Hoc namq; Christianorum festum, teste
 cœli, salus mundi, vita credentium, o
 pernorum, resurrectio Vivorum, pretiu
 næ, cognitio mortis abolitæ: Cui &
 mion consonat. Dies Paschatos anni V
 est, primi mensis veræ vitæ tribuentis
 minum, primi veris vera jucunditas.
 tanta in Ecclesia ab ejus usq; primord
 fuit, ut etiam nox ejus pervigilio cole
 & Greg. Nazian, qui scribit, noctem I
 aetam, & lumen splendore illustra
 neglexerant, censuram rigidam Ecc
 cam pœnitentiam sustinere sunt coæt
 imperator Philippus Arabs, teste Ruff
 Procopius refert, totam diem Paschat
 precibus suo tempore in multam usq;
 non Athanasius in Epistola ad Dracor

